

Headline	100 graduan bergelar usahawan		
MediaTitle	Kosmo		
Date	04 May 2018	Color	Full Color
Section	Negara	Circulation	197,202
Page No	19	Readership	875,000
Language	Malay	ArticleSize	293 cm ²
Journalist	Oleh AHMAD SHAHERMAN SHAMSURI	AdValue	RM 7,604
Frequency	Daily	PR Value	RM 22,812



Kompleks Agrobazaar Malaysia beroperasi pertengahan tahun 2019

100 graduan bergelar usahawan

Oleh AHMAD SHAHERMAN SHAMSURI

KUALA SELANGOR – Kompleks Agrobazaar Malaysia yang akan menempatkan kira-kira 100 graduan berniaga dalam bidang perniagaan di Presint 4, Putrajaya dijangka akan beroperasi pertengahan tahun hadapan.



Pengerusi Lembaga Pemasaran Pertanian Persekutuan (FAMA), Tan Sri Badrudin Amirudin

berkata, kompleks yang dalam pembinaan itu akan menempatkan usahawan dengan pelbagai jenis perniagaan termasuk buah-buahan, makanan popular dari setiap negeri dan barang basah.

Katanya, pembinaan projek tersebut yang menelan belanja kira-kira RM20 juta mengambill masa setahun untuk di-



BADRUDDIN (depan, kiri) menandatangani plak sebagai simbolik pembukaan MyAgrosis K-Sahoppe UiTM cawangan Puncak Alam, Kuala Selangor kelmarin. Turut hadir Ahmad (belakang, dua dari kiri).

siapkan melibatkan kawasan seluas kira-kira 2.5 hektar.

“Dana pembinaan tersebut telah diluluskan dan kini sedang menunggu kelulusan tender. Kita yakin kompleks ini akan mula beroperasi

pertengahan tahun depan.

“Kompleks berkonsepkan pasar raya ini akan diuruskan sendiri oleh graduan usahawan malah perniagaannya juga dijalankan secara individu yang mana 100 usaha-

wan terpilih akan membawa masuk pelbagai produk mereka di situ,” katanya.

Beliau berkata demikian ketika ditemui pemberita selepas program sembang santai bersama kira-kira 100 pelajar Universiti Teknologi Mara kampus Puncak Alam di sini kelmarin.

Turut hadir, Ketua Pengarah FAMA, Datuk Ahmad Ishak dan Pengarah FAMA Selangor, Datuk Abdul Ghaffar Ramin.

Kompleks Agrobazaar Malaysia merupakan cetusan ilham Perdana Menteri, Datuk Seri Najib Tun Razak apabila mengumumkan peruntukan sebanyak RM20 juta untuk kompleks berkenaan pada pembentangan Bajet 2018 tahun lalu.

Menurut Badrudin, pemilihan graduan usahawan di kompleks tersebut akan dilakukan menerusi sesi temu duga bagi memastikan hanya graduan usahawan yang benar-benar serius ditempatkan di kompleks berkenaan.